

կողմից: Նա բաղկացած էր 5 հոգուց. նախագահ՝ Պարլամով, անդամներ՝ Ա.Չխենկելի, Գիթա Աբաշիձէ, Մ.Չաֆարով և Մ.Պապաջանեան: Վրացիները ամէն միջոց գործ էին դրել, որ իրենք ունենան աւելի անդամ, մի բան, որ սաստիկ ղեգոհութիւն առաջ բերեց բոլորի մէջ:

Հայկական լայն խաւերը գոհ չէին մասնաւորապէս Օղակովի հայ ներկայացուցչութիւնից: Մինչ վրացի ու թուրք անդամները հարադատօրէն ներկայացնում էին իրենց ազգի ընկերային-քաղաքական շերտաւորումն ու տրամադրութիւնները, Մ. Պապաջանեանը արտայայտիչ էր հայկական շատ նօսը՝ բուրժուական խաւերի, այն էլ միայն կաղետական կուսակցութեան փոքրաթիւ խմբակի: Այդ պատճառով նա կտրւած էր հայ իրականութիւնից: Այս փաստը լայնօրէն օգտագործւեց իր վրացի և թուրք պաշտօնակիցների կողմից, որոնք Օղակովի կեանքի առաջին օրերից հէնց բռնեցին ազգային ուղղութիւն և համապետական իշխանութիւն լինելուց աւելի՝ ներկայացնում էին իրենց ազգը, աշխատում էին նախ և առաջ կարգադրել իրենց ազգին վերաբերող գործերը: Աշխատանքի բաժանումն էլ այդ հաշուով էր կատարւած: Հայ պատգամաւորին տրւել էր արդարադատութեան և նման, ա՛յն օրերի համար, անարժէք գործերի ղեկավարութիւնը, մինչ ներքին գործերը վերցրել էր Չխենկելին, հաղորդակցութիւնը՝ Չաֆարովը և այլն:

Հասկանալի է, որ այս ձեւով կազմւած և նման մտայնութեամբ առաջնորդւող մի իշխանութիւն չէր կարող լինել հեղինակաւոր: Եւ, յիշուի, նրա կազմած յանձնաժողովները մնացին մեռած մարմիններ. նրա հրատարակած կարգադրութիւններից քչերն էին կատարուած: Գանի գնաց, նրա ազդեցութիւնն ընկաւ ժողովրդի աչքին և, վերջ ի վերջոյ, նրա իշխանութիւնը սահմանափակւեց Թիֆլիսի պալատով:

Դժբախտ կազմ ու տխուր վախճան ունեցաւ Անդրկովկասեան Առանձին Կոմիտէի գործունէութիւնը, բայց սկզբի օրերին նրա հետ մեծ յոյսեր էին կապուած: Սպասուում էր, որ նա կը դարձանէ հին ռեժիմի բացած վէրքերը, կեանքի կը կոչէ նոր հիմնարկութիւններ, կանցկացնէ բարենորոգումներ, կը մեղմացնէ պարենաւորման տաղնապը, ազգային հակամարտութիւնները, երկրին կը տայ արդարամիտ ու կորովի իշխանութիւն, կուժեղացնէ ռազմաճակատի պաշտպանութեան գործը: Դրանցից և ո՛չ մէկը տեղի չունեցաւ: Ընդհակառակը, քայքայումն ու կեանքի պայմանների ղեւարացումը աճեց ու դարձացաւ անընդհատ:

Յեղափոխութեան առաջին շրջանում կուսակցութիւններն ու կովկասեան ժողովուրդները, ընդհանուր առմամբ, ասպարէզ էին գալիս համապետական դադափարներով և աշխատում էին իրենց ազգային ձգտումները հաշտեցնել համառուսական պետական շահերի հետ: Ազգային ուրոյն խնդիրներ յարուցանելուն դէմ էր և բանակը: Այսպէս, կովկասեան բանակի համագումարը, որ բացւեց Թիֆլիսում մարտ 5-ին, մերժեց զբաղւել ազգային հարցով՝ դանելով, որ «ազգային հարցի լուծումը իր ամբողջութեան մէջ հնարաւոր է միայն Սահմանադիր ժողովում: Այս հարցը լուծելու միւս բոլոր փորձերը մինչեւ Սահ. ժողով վտանգաւոր են և անթոյլատրելի»: Իսկ բան-